

二十二

第十

# 永樂大典

卷一萬九千四百十六

之一萬九千四百十七



舊

纂修官李 簽出第一方九千四百十六卷

丹墀獨對一條

便世大典一條

便世大典一卷

共書二種計三條

乾隆三十八年八月初七日發寫 謄錄

永樂大典卷之一萬九千四百十六 二十二勘

**蘸**

洪武正韻莊陷切。以物淬水中。許慎說文蘸。以物沒水也。此蓋俗語。从艸。未詳。斬陷切。顏野王玉篇側陷切。以物內水謂之蘸。楊桓六書

統照母蘸統聲蘸。隸熊忠韻會舉要次商清音趙謙聲音文字通照監切。以物沒水中便出也。此蓋俗語用斬通。此續収且从草。無甚意義。从醮聲。

不諧韻會定正字切照監。照真醮蘸。

篆書 **蘸**

集韻見杜从古。集篆古文韻海。

**蘸**

徐鉉篆韻

**蘸**

六書

統隸書 **蘸** 六書

草書

**蘸**

並張錦溪

**蘸**

鮮于樞並見草書集韻

**澆**

莊陷切。顏野王玉篇阻懺切。水也。

**鹵**

莊陷切。顏野王玉篇竹減切。鹹也。陸法言廣韻陟陷切。鹹多也。楊桓六書統照母。


篆書

**鹵**

六書統

**齧**

莊陷切。顏野王玉篇丁陷切。剔齒司馬光類篇陟陷切。楊桓六書統照母。齧。从齒。占聲。齧。隸字漆博義齧同上。



交換

篆書 𪔐

六書 統

隸書 𪔐

六書 統

𪔐

莊陷切陸法言廣韻子鑑切以物內水中出音譜楊桓六書統照母靈說見覃韻牀母字漆博義阻懺切

篆書

𪔐

六書 統

𪔐

莊陷切陸法言廣韻子鑑切司馬光類篇側銜切避也釋行均龍龕手鑑子鑑疾陷二反𪔐傲高危貌也傲音許鑑反韓道昭五音類聚側鑿切逞

也楊桓六書統照母

篆書

𪔐

六書 統

隸書

𪔐

六書 統

𪔐

莊陷切陸法言廣韻子鑑切長面貌又昨三切楊桓六書統照母𪔐說見覃韻从母

篆書

𪔐

六書 統

𪔐

莊陷切陸法言廣韻陟陷切江岸上地名也宋重修廣韻地名出活州記楊桓六書統照母𪔐从水从土从口岸間土口也𪔐同𪔐隸

篆書 𪔐

並六書 統

隸書 𪔐

六書 統

站

莊陷切陸法言廣韻陟陷切俗言獨立又作𪔐丁度集韻站或从人作佔釋行均龍龕手鑑知陷反站立也楊桓六書統照母站久立也

餘見覃韻。知母帖。同上。餘見鹽韻。端

母字溱博義。豈竹感切。坐立不動貌。

篆 帖 集韻見杜从古 占 並六 書統

# 站赤

丹墀獨對站赤。孟子曰：速於置郵而傳命。註曰：郵，駟也。即今之驛馬也。如漢五里一置也。左傳：楚子乘駟會師。如漢以枸

醬天馬而征羗夷。唐以荔枝而通嶺海之貢。傳車之交。且若星火是也。元設立水站馬站。其馬足船隻皆依品從。非理乘驛者有禁。應合給驛者有程。正官宿頓分例。米一升。麪一升。羊肉一斤。酒一升。柴一束。油鹽雜支鈔三分。從人每米一升。經過皆減半。選保站官。長官提調。法至良也。照刷祇應體覆消乏。意至美也。天曆詔站戶消乏。仰廉訪司依例體覆明白。隨即補簽。諸衙門營私馳驛。就便糾治。佛家奴策。世祖龍興。為驛傳不可不講。遂有站赤之置。其設法也。有馬站。有水站。有車站。有江船站。水站馬站。則通客旅。車站。江站。則通貨。則簽馬一匹。則為田三千畝。水站江站半之。北方諸站。則驗孳畜之多者。應之南方諸站。則驗田畝簽之。每十五里為一郵亭。每六十里為一候館。上有通政以挈其綱。下有郡縣以贊其力。而又有脫脫禾孫以驗使命之真偽。北方諸站。則置驛令。南方諸站。則設提領。凡百戶。人夫。庫子。庖丁。廝養。俱有定額。寢處則備於帳幄。器什則

急於七挾。際留谷粟。滋生鷄鵝。以為使官之供。上都大都。大駕經行。每遇巡幸。則先給官資。未嘗不為站戶惜也。元史兵志。站赤。元制。站赤者。驛傳之譯名也。蓋以通達邊情。布宣號令。古人所謂置郵而傳命。未有重於此者焉。凡站陸。則以馬以牛。或以驢。或以車。而水則以舟。其給驛傳璽書。謂之鋪馬。聖旨遇軍務之急。則又以金字圓符為信。銀字者次之。內則掌之天府。外則國人之為長官者主之。其官有驛令。有提領。又置脫脫木孫於關會之地。以司辨詰。皆總之於通政院。及中書兵部。而站戶闕乏逃亡。則又以時僉補。且如賑卹馬。於是四方往來之使。止則有館舍。頓則有供帳。饑渴則有飲食。而梯航畢達。海宇會同。元之天下。視前代。所以為極盛也。今故著其驛政之大者。然後紀各省水陸凡若干站。而遼東狗站。亦因以附見云。太宗元年十一月。敕諸牛鋪馬站。每一百戶。置漢車一十具。各站俱置米倉。站戶每年一牌。內納米一石。令百戶一人掌之。比使臣每日支肉一斤。麪一斤。米一升。酒一瓶。四年五月。諭隨路官負。并站赤人等。使臣無牌面文字。始給馬之驛官。及元官皆罪之。有文字牌面而不給驛馬者。亦論罪。若係軍情急速。及送納顏色。絲線。酒食。米粟。段匹。鷹準。但係御用諸物。雖無牌面文字。亦驗數應付車牛。世祖中統四年三月。

中書省定議。乘坐驛馬。長行馬。使臣。從人。及下文字。曳刺。解子。人等。分例。乘驛。使臣。換馬處。正使。使臣。支粥。食解。渴酒。從人。支粥。宿頓處。正使。使臣。白米。一升。麩。一斤。酒。一升。油鹽雜支。鈔。一十文。冬月。一行。日支。炭。五斤。十月。一日。為始。正月。三十日。終。住支。從人。白米。一升。麩。一斤。長行馬。使臣。齋。聖旨。令旨。及省部。文字。幹當。官事者。其一。二。居。長人。負。支。宿頓。分例。次人。與。粥。飯。仍。支。給。馬。一匹。草。一十二斤。料。五升。十月。為始。至。三月。三十日。終。止。白。米。一升。麩。一斤。油鹽雜用。鈔。一十文。投呈。公文。曳刺。解子。依。部。擬。宿頓。處。批。支。五月。雲州。設。站戶。取。迤。南州。城。站戶。籍內。選。堪。中。上。戶。應。當。馬。站。戶。馬。一匹。牛。站戶。牛。二隻。於。各。戶。選。堪。當。站。役。之。人。不。問。親。軀。每。戶。取。二。丁。及。家。屬。於。立。站。去。處。安。置。五。年。八。月。詔。站。戶。貧。富。不。等。每。戶。限。四。項。除。免。稅。石。以。供。鋪。馬。祇。應。已。上。地。畝。全。納。地。稅。至。元。六。年。二。月。詔。各。道。憲。司。如。總。管。府。例。每。道。給。鋪。馬。劄。子。三。道。七。年。正。月。省。部。官。定。議。各。路。總。府。在。城。驛。設。官。二。員。於。見。役。人。負。內。選。用。州。縣。驛。設。頭。目。二。名。如。見。役。人。即。是。相。應。站。戶。就。令。依。上。任。事。不。係。站。戶。則。就。本。站。馬。戶。內。別。行。選。用。除。脫。脫。木。孫。依。舊。存。設。隨。路。見。設。總。站。官。罷。之。十。一。月。立。諸。站。都。統。領。使。司。往。來。使。臣。令。脫。脫。木。孫。盤。問。八。年。正。月。中。書。省。議。鋪。馬。劄。子。初。用。蒙。古。

字。各處站赤。未能盡識。宜繪畫馬匹數目。復以省印覆之。庶無疑惑。因命今後各處取給鋪馬標附文籍。其馬匹數。付驛吏房書寫畢。就左右司用墨印印給馬數目。省印印訖。別行附籍發行。墨印左右司封掌。九年八月。諸站都統領使司言。朝省諸司局院。及外路諸官府。應差馳驛使臣。所齎劄子。從脫脫禾孫辨詰。無脫脫禾孫之處。令總管府驗之。十一年十月。命隨處站赤。直隸各路總管府。其站戶家屬。令元籍州縣管領。十三年正月。改諸站都統領使司。為通政院。命降鑄印信。十七年二月。詔江淮諸路。增置水站。除海青使臣。及事干軍務者。方許馳驛。餘者自濟州水站為始。並令乘船往來。十八年閏八月。詔除上都榆林迤北站赤外。隨路官錢。不須支給。驗其閑劇。量增站戶。協力自備。首思當站。十九年四月。詔給各處行省。鋪馬聖旨。揚州行省。鄂州行省。泉州行省。隆興行省。占城行省。安西行省。四川行省。西夏行省。甘州行省。每省五道。南方驗田糧及七十石者。准當站馬一匹。九月。通政院臣言。隨路站赤。三五戶共當正馬一匹。十三戶供車一輛。自備一切什物公用。近年以來。多為諸王公主。及正宮太子位下頭目。識認招收。或冒入役下戶計者。遂致站赤損弊。乞換補站戶從之。十月。增給各省鋪馬聖旨。西川。京兆。泉州。十道。甘州中興。



各五道。二十年二月。和林宣慰司。給鋪馬聖旨二道。江淮行省。增給十道。都省遣使繁多。亦增二十道給之。七月。免站戶。和顧和買。一切雜泛差役。仍令自備首思。十一月。增給甘州行省鋪馬聖旨十道。總之為二十道。十二月。增各省。及轉運司。宣慰司。鋪馬聖旨三十五道。江淮行省十道。四川行省十道。安西轉運司分司二道。荆湖行省所轄湖南宣慰司三道。福建行省十道。二十一年二月。增給各處鋪馬劄子。荆湖占城等處本省一十道。荆湖北道宣慰司二道。所轄路分一十六處。每處二道。山東運司二道。河間運司七道。宣德府三道。江西行省五道。福建行省所轄路分七處。每處二道。司農司五道。四川行省所轄順元路宣慰司三道。思州播州兩處。宣撫司各三道。都省二十道。四月。定增使臣分例。正使宿頻。支米一升。麪一斤。羊肉一斤。酒一升。柴一束。油鹽雜支增鈔二分。通作三分。經過減半。從者每名支米一升。經過減半。九月。給阿里海牙所治之省。鋪馬聖旨十道。所轄宣慰司二處。各三道。二十二年四月。給陝西行省。并各處宣慰司。行工部等處鋪馬劄子一百二十六道。二十三年四月。福建東京兩行省。各給圓牌二面。與魯赤出使交陟。先給圓牌二面。今再增二面。於脫歡太子位下給發。南京行省起馬三十匹。給圓牌二面。初立三處宣

元史卷一百一十四 四  
慰司。給劄子起馬三十匹。二十四年四月。增給尚書省鋪馬聖旨一百五十道。并先給降一百五十道。共三百道。五月。揚州省言。徐州至揚州。水馬站兩各分置。夏月水潦。使臣勞苦。請徙馬站附併水站。一處安置。馳驛者。白日馬行。夜則經由水路。况站戶皆是水濱。居住者。庶幾官民兩便。從之。七月。給中興路。陝西行省。廣東宣慰司。沙不丁等官。鋪馬聖旨一十三道。二十五年正月。腹裏路分三十八處。年銷祇應錢不敷。增給鈔三千九百八十一錠。併元額七千一百六十九錠。總中統鈔一萬一千一百五十錠。分上下半年給降。二月。命南方站戶。以糧七十石出馬一匹為則。或十石之下。八九戶共之。或二三十石之上。兩三戶共之。惟求稅糧僅足。當站之數。不至多餘。却免其一切雜泛差役。若有納糧百石之下。七十石之上。自請獨當站馬一匹者。聽之。世祖紀。至元二十五年。二月己卯。以江南站戶。貧富不均。命有司料簡合戶。稅至七十石當馬一匹。並免雜徭。獨戶稅無七十石。願入站者聽。合戶稅不得過十戶。獨戶稅無上百石。五月。增給遼陽行省鋪馬劄子五道。十一月。福建行省。元給鋪馬聖旨二十四道。增給劄子六道。二十六年正月。給光祿寺鋪馬劄子四道。二月。從沿海鎮守官蔡澤言。以舊有水軍二千人於海道置立水站。世祖紀。至元二十

六年。二月丙寅。尚書省臣言行泉府。所統海船萬五千艘。以新附人駕之。緩急殊不可用。宜招集乃顏及勝納合兒派散戶為軍。自泉州至杭州。立海站十五。站置船五艘。水軍二百。專運蕃夷貢物。及商販奇貨。且防禦海道為便。從之。三月。給海道運糧萬戶府鋪馬聖旨五道。四月。四川紹慶路給鋪馬劄子二道。成都府六道。龍興行省增給鋪馬聖旨五道。太原府宣慰司。及儲峙提舉司。給降二道。八月。給遼東宣慰司鋪馬聖旨五道。大理金齒宣慰司四道。九月。增給西京宣慰司鋪馬劄子五道。江淮行省所轄浙東道宣慰司三道。紹興路總管府給降二道。甘肅行省所轄亦集乃總管府沙州肅州三路給六道。十一月。增給甘肅行省鋪馬聖旨七道。二十七年正月。增給陝西行省鋪馬聖旨五道。二月。都省增給鋪馬聖旨一百五十道。江淮行省一十五道。六月。給營田提舉司鋪馬聖旨二道。九月。江淮行省所轄徽州路水道不通。給鋪馬聖旨二道。二十八年六月。隨處設站官二員。大都至上都。置司吏三名。餘設二名。祇應頭目攢典。各一名。站戶及百者。設百戶一名。七月。詔各路府州縣達魯花赤長官。依軍戶例兼管站赤。奧魯非奉通政院明文。不得擅科差役。十二月。增給省除之任官鋪馬聖旨三百五十道。二十九年三月。命通政院分官四員。於江

南四省整理站赤。給印與之。三十年正月。南丹州洞蠻來朝。立安撫司於其地。給鋪馬聖旨二道。三月。兩淮都轉運鹽使司。增給鋪馬聖旨。起馬五匹。五月。給淘金運司鋪馬聖旨。起馬五匹。大司農司。起馬二十四匹。六月。江浙行省言各路遞運站船。若止以六戶供船一艘。除苗不過十四五石。力寡不能當役。請令各路。除苗不過元額二十四石。自六戶之上。或至十戶。通融僉撥。從之。八月。給劉二拔都兒圓牌三面。鋪馬聖旨一十五道。十月。增給濟南府鹽運司鋪馬聖旨一道。三十一年六月。給福建運司鋪馬聖旨。起馬五匹。成宗大德八年正月。御史臺臣言各處站赤。合用祇應官錢。多不依時撥降。又或數少不給。遂令站戶輪當庫子。陪備應辦。莫若驗使臣起數。實支官錢。所在官司。依時撥降。令各站提領收掌祇待。毋得科配小民。似為便益。詔都省定議行之。十年。從江浙省言。命站官仍領祇待。選站戶之有餘糧者以充庫子。止設一名。上下半年更代。就准本戶里正主首身役。武宗至大三年五月。給嘉興。松江。瑞州。三路。及汴梁等處。管民總管府鋪馬聖旨各三道。四年三月。詔拘收各衙門鋪馬聖旨。命中書省定議以聞。省臣言始者站赤。隸兵部。後屬通政院。今通政院怠於整治。站赤消乏。合依舊命兵部領之。制可。四月。中書省臣又言。昨奉

旨以站赤屬兵部。今右丞相鐵木迭兒等議漢地之驛命兵部領之其鐵烈干納隣未隣等處蒙古站赤仍付通政院。帝曰何必如此。但今罷通政院悉隸兵部可也。閏七月復立通政院領蒙古站赤。八月詔大都至上都每站除設驛令丞外設提領三員司吏三名。腹裏路分衝要水陸站赤設提領二員司吏二名其餘閑慢驛分止設提領一員司吏一名如無驛令量擬提領二員每一百戶設百戶一名從拘該路府州縣提調正官於站戶內選用。三歲為滿凡濫設官吏頭目人等盡罷之。十一月給中政院鋪馬聖旨二十道。仁宗皇慶二年四月增給陝西行臺鋪馬聖旨八道六月。中書省臣言典瑞監掌金字圓牌及鋪馬聖旨三百餘道。至大四年凡聖旨皆納之于翰林院以金字圓牌不敷增置五十面。蓋圓牌遣使初為軍情大事而設不宜濫給。自今求給牌面不經中書省樞密院者宜勿與從之。延祐元年十月沙瓜州立屯儲總管萬戶府給鋪馬聖旨六道。五年十月。中書兵部言各站設置提領止受部劄行九品印職專車馬之役所領站赤多者三二千少者五七百戶比之軍民體非輕細奈何俸祿不給三年一更貪邪得以自縱。今擬各處館驛除令丞外見役提領不許交換從之。七年四月詔蒙古漢人站依世祖舊制悉歸之通政院。十一

月。從通政院官請詔腹裏江南漢地站赤。依舊制命各路達魯花赤總管提調州縣官勿得預。泰定元年三月。遣官賑給帖里干木憐納憐等。一百一十九站。鈔二十一萬三千三百錠。糧七萬六千二百四十四石八斗。北方站赤。每加津濟。至此為最盛。四川行中書省所轄。陸站四十八處。馬九百八十六匹。牛一百五十頭。水站八十四處。船六百五十四隻。牛七十六頭。雲南諸路行中書省所轄。站赤七十八處。馬站七十四處。馬二千三百四十五匹。牛三十隻。水站四處。船二十四隻。甘肅行中書省所轄三路。脫脫禾孫馬站六處。馬四百九十一匹。牛一百四十九頭。驢一百七十一頭。羊六百五十口。經世大典站赤者。國朝驛傳之名也。凡站。舊書作蘇陸。則以馬以牛。或以驢。或以引車。水則以舟。其應給驛者。皆以璽書。而軍務大事之急者。又以金字圓符為信。銀字者次之。其符信皆天府掌之。其出給在外者。皆國人之為官長者主之。他官不得與也。馬數多寡。視官品高下。公事大小。止則有館舍。頓則有供帳。饑渴則有飲食。事畢則以符信歸諸所受之府。不敢三日稽也。祖宗之法。至如今守之。其官為驛令。小者皆設提領。又置脫脫禾孫於都會關要之地。以詰其姦偽。總之以通政院中書兵部。站戶有關乏逃亡者。則以時而僉完周卹之。



我國家疆理之大。東漸西被。暨于朔南。凡在屬國。皆置驛傳。星羅棋布。脈絡通通。朝令夕至。聲聞畢達。此又總綱挈維之大機也。遼東犬站亦附見云。太宗皇帝元年己丑十一月十五日聖旨。戒飭諸牛鋪馬站。大意若曰。若有起驛馬者。驗之。如無牌面文字。其始初給馬之驛官。徒二年。杖七十。元差官斷按答奚罪。有文字牌面而不給馬者。驛官亦坐罪。除顏色絲線酒米官中段匹。係官物外。不得與驛馬事件。每一百戶站。置漢車一十具。各站俱起米倉。站戶每年一牌內納米一石。專令百戶一人。用車牛送與商賈作客之人。勿騎驛馬。違者斷按答奚罪。如有送絲線顏色物料。并外國使臣將禮物段匹。及有急速勾當來者。應付鋪馬。如各驛馬牛闕少。本百戶規措。是月制曰。上天眷命。錫皇帝之徽名。大蒙古國。衆寡小大。罔不朝會。訓之曰。一乃心力其無二。凡我國內黎元。其聽朕命。循先訓舊章。績用弗成者。其罪當死。爾等此漢衆官。暨降民。凡若干。先來服役。忠貞者有之。諂妄者有之。以宿舊之故。委用信任。一切不須詰問。爾等自以不經詰問。乃謂諂妄者當如是。爾勿存是心。轉加恣橫。如此明諭。其或不悛。爾等罪愆。何遠之有。皇帝訓諭下項。一使臣不經由鋪路往來者。斷按答奚罪。戾無牌子。有文字往來者。亦斷按答奚罪。將帶隨投下牌子文字

往來人等。強要鋪馬。取要口食者。仰收捉枷禁。擗逐根脚。來歷明白端的緣由。至時免放。似此使臣人等。不為收捉。却稱彼中騷擾。如此奏告來者。官負亦斷按答。奚罪。委係朝廷差去使命。有牌子文字者。若不聽從之人。亦斷按答。奚罪。戾。仍處死。一使臣人等。每人日支肉一斤。麪一斤。米一升。酒一瓶。仰如數支破。州城官負人等。為係使臣。如自願饋獻些小禮物者。聽不得附餘多索。仍不得強行乞取。如違者。斷按答。奚罪。戾。據上項物件。不得於係官課程稅石科差內支破。其差去使臣。若依理勾當。迴日朝廷約量給賞。四年壬辰。五月二十五日聖旨。諭隨路官負并站赤人等。如使臣無牌面文字。為始給馬之驛官。徒二年。杖七十。元差官斷按答。奚罪。有文字牌面而不給馬。亦徒二年。杖七十。若軍情急速事件。及進納顏色絲線酒食米粟段匹鷹隼。但係御用諸物。雖無牌面文字。亦仰驗數應付鋪馬車牛。如不應付。亦依上斷罪。六月十六日聖旨。節該西京下水弘州三處。置立馬站。仰各站不得令來往馳驛使客。因而將隨站馬匹打過。如有過越者。仰各站當管官司。陪償馬匹。據三站合用馬匹。仰照依本路見在戶計。一例科着。無得分毫違錯。五年癸巳。二月五日聖旨。據太原路達魯花赤塔塔不花等。奏太原府內。見有達魯花赤。并久住使客諸



投下人等。取酒肉米麩數多。每年該羊一千四百餘頭。塔塔不花等。情願自備糧食。不關祇應等物。如此。百姓似為容易。準奏。宣諭太原路。舊嘗有旨。令課稅所官二員支糧。餘官不令支。今後往來使臣。依先例應付。餘者盡行罷支。其管民管匠達魯花赤。若有已身糧食者。放支。如無每人日支米一升。如有依前亂行取酒肉米麩之人。并斷按答奚罪。仰塔塔不花等抄錄御寶文字。差人齎擎。就便行移十路。依上一體施行。七年乙未。三月二十四日聖旨。諭管站乞里合台。并隨處站赤。若曰據邊關急速公事。使臣爾輩何故有健馬不與。令其乘車。今後不得如此。若依前給車。遲悞公事。定是斷罪。可令諸站驛人知悉。六月十七日聖旨。據燕京咸得不奏告。每年進呈御酒。沿路官司。為無御寶文字。不肯疾早應付鋪牛。以致遲滯到闕事。今降御寶文字前去。仰元來送酒人石抹神撒堆刺兒等。收此。仍仰經過去處。即便應付與鋪頭口者。不得遲滯。若因別事起要頭口。並斷按答奚罪戾。九月六日聖旨。據濟南府張榮奏告。經過使臣。不肯令驗降去御寶文字。即取鋪馬。準奏。如聖旨到日。除軍期急速事物。并進呈諸物人等。依驗物件應付外。不以為何使臣。若不令看過元降文字。即取鋪馬者。聞具姓名。聞奏治罪。若看狗不驗。輒給驛馬者。亦罪之。二

十一日奉旨。闕出太子軍前使來。沿路驛站斷絕。令忒末兒赤刺溫等。往諭西京應州崞縣忻州太原及太原。至潞州酌中地。又潞州梳子城懷州。各立一站。馬各二十匹。黃河岸。令劉甫立一站。馬三十匹。西京應州。令塌端躬往建立。太原州城八哥。潞州梳子城秀才。懷州合思迷里。各躬往建立。黃河渡口劉甫。專一勾當。上項站馬。別用火印烙記。止令濶出太子軍前使臣騎坐。其餘並不得應付。如有別使欲騎。給者受者。並斷按答奚死罪。每站湏管立。有心力能幹官一員。提領勾當。如法養飼。不得死損如死。逐旋補數。若上項委官差故。仰各人名下。見在官負。準上勾當。若有違慢。並斷按答奚罪。軍前來使。若遇不選。是何作商賈回回人等。可奪馬馳驛。不與者。亦斷按答奚罪。九年丁酉。八月二十三日奉聖旨。若曰聞各路往來使臣。在城別無公事。不經站路走迤。稱有牌劄。索取祇應。有公事使臣到城。走馬二匹。或三匹。却領不干礙十人。二十人。及牽私已馬匹。取祇應草料。應付猪牛馬韃羶等肉。不肯食用。湏要羊肉。縱與羊肉。却又稱瘦。回回使臣到城。多稱不食死肉。湏要活羊。又不肯於館驛內安下。止欲於達魯花赤管民官家內止宿。如此刁蹬。公事了畢。推稱事故。不肯起發。除正使臣應付與鋪馬外。其餘親隨鋪驢車牛迤送。湏要鋪馬。若到前路站。

赤又不交替遞送。及有長行車具到城。又要倒換新車。及取繩索。如此騷擾。聖旨到日。今後如有朝廷差去使臣。齎把御寶文字之人。依分例日支米一升。麩一斤。肉一斤。酒一瓶。其餘親隨。并隨投下諸衙門差去人。催糧絲線顏色。官吏人負支米一升。如無牌劄。不得應付。公事了畢。若得鋪馬不得稱瘦倒換。若到前路站赤。即便交替。及不得倒換長行車具。取要繩索。無事不得入城。若有多索酒食活羊馬匹草料之人。仰達魯花赤管民官。差人一同前去斷事官折證治罪施行。仰宣德州達魯花赤管民官。收附。遍行諸路一體施行。十年戊戌六月二日聖旨。諭扎魯花赤大官人胡都虎塔魯虎斛訛魯。不等節該目。今諸路應有係官諸物。及諸投下宣賜絲線匹段。并由燕京宣德西京經過。其三路鋪頭口。難以迭辨。今驗緊慢。定立鋪頭口數目。驗天下戶數。通行科定。協濟三路。通該舊戶二百一十七戶。四分着馬一匹。新戶四百三十四戶。八分着馬一匹。舊戶一百六十九戶。二分着牛一頭。新戶三百三十八戶。四分着牛一頭。聖旨到日。仰就差人與各路差去人。一同前去所指路分。着緊催促。驗數分付各路收管者。見得以南路分馬匹牛畜艱難。今約量定。立到每馬一匹。價銀三十兩。每牛一頭。價銀二十兩。仰各處皆驗燕京酌中時估。折納輕齎匹段紗

羅絲綿絹布等物。用鋪頭口轉遞交付。却令三路置庫收貯。明附文曆支銷。回易諸物。於迤北民戶內。逐旋倒換頭口用度。若各路自願計置頭口分付者。聽從民便。不得因而刁蹬抑勒。多要輕齎。只令一次。諸路協濟。已後止。令三路逐旋補數。其各鋪所置頭足。仰三路各差本處州府司縣官一員。專一提控。轉差官一員。專一管勾其草料。於三路各驗民戶多寡。均科應付。若非理死損。並勒提控官親管勾當。官均陪。若因病倒死。即仰作急貨賣皮肉。逐旋補買。不得闕數。若使臣非理騎坐死損者。仰依條令使臣陪償。若蹉程死損者。每三次罰馬一匹。與被蹉之鋪充輔馬用度。除各路另給御寶文字外。據協濟路分。仰欽依作急應付施行。十一年己亥。十月十五日奉旨。驛傳勿給懷駒牝馬。如違。給者乘者。各杖五十。使臣若無急事。令乘牛車。十二年庚子。十一月二十三日奉聖旨。據燕京路達魯花赤禿魯別迭兒。管民官鋼疮疽奏。過往使臣。多有無牌劄。及增乘驛馬。多索分例。祇應草料之人。乞禁約事。準奏。仰禿魯別迭兒。鋼疮疽等。委人辨驗。過往使臣。有無牌劄。增乘驛馬。及不合起馬之人。并據合得分例。祇應。照依已降分例支遣。兼有長行馬匹草料。自十月一日。草枯時。為始放支。至向前四月一日住支。每馬一匹。依準大軍體例支料三升。草一秤。

若十匹以上不得支遣。本處如有官中勾當公事使臣。依例祇應。如無勾當。許令應付一日。次日不得支遣。如違。照依大札撒。將犯人枷鎖前來斷罪。出軍之人。不在此限。十二月十三日聖旨。據李利解都魯班等。奏告前來。奉降札撒。據運酒米中站內。諸人不得經行。今來却有不合經行人等。於站內經行。及射野物事。聖旨到日。仰將射野物人等。隨逐塔海。欠不出軍者。若不曾射野物。於中站經行人等。據應有頭口內。各斷一半沒官。

甲辰年三月。朝命節該據東平府路萬戶總管軍民長官嚴忠濟。奏隨城郭居住。別投下開鋪營運之家。不肯協濟本路祇應。準奏。仰照依元降大札撒。協濟祇應。如違治罪。世祖皇帝中統元年五月奉聖旨。於望雲立一站。又於榆林望雲之間酌中處立一站。五月二十一日。中書省官忽都不花奉旨。縉山至望雲。速取徑道。立海青站者。中書議差斷事官亦捏哥等。赴宣德州置縉山。靜邊。望雲。三驛。撥榆林站肥馬五十匹與縉山。雷家店站馬四十匹與靜邊。宣德州站馬四十匹與望雲。就令各站頭目馬主。備馬脚澁子。使臣飲食等具。近者二日期。遠者三日期。達于新站當役。違者以失候軍期論罪。仍從宣德州。擇能幹官一員充。脫脫禾孫除遞傳諸侯王哈必赤來使外。餘不得給其榆林雷家店宣德州三站。增補馬

各二十五匹。每匹支價鈔元寶鈔二十貫。總計三十定買備訖。是月奉聖旨。今後使臣官負除軍情急速公事。有海青牌者入望雲站。直截前來。其餘使臣。仰榆林站官楊字藥解詢問。如無急速公事。海青牌者不得縱令縱由望雲。止令入大站。如違治罪。七月。劉天麟奏告。故劉權府元受先帝聖旨。賽典赤處關鈔一千錠。規運利息。專與燕京置買。在城使臣騎坐小鋪馬。除已納訖。乞換授事準奏。給降聖旨。付天麟。照依已前體例。從長規劃。不得違錯。二年二月。奉旨大名等路宣撫司。所管州城諸色人匠。織造到係官段匹。雜造到應用生活。并採捕到皮貨。翎毛。鷹鷄。及羊例。應有進呈等物。起發來時。依例合應付脚力者。仰宣撫司照依舊例斟酌。物件輕重。即出給鋪頭口文面。不得遲住。今後若無宣撫司文面。州城站赤不得一面應付脚力。違者治罪。據出給入站文面。迴程時。却令赴本司繳納。若各管頭目。已有奉到許令入站聖旨。并各投下令旨。亦仰經由宣撫司。照依各得體例應付。與鋪車頭口。如有不應。開具緣由。申省聞奏。仍下所屬去處照會。四月中書省奏。宣撫司若遇緊要。并機密公事。須當赴朝省計稟。即乘坐鋪馬走遞。如是尋常公事。止令入遞轉發。除降去起馬劄子外。本司不得別給。宣撫使起馬五匹。副使四匹。委差官令史

等三匹。又宣撫司官。及頒俸以來。權依使臣分例批支。五月十九日奉聖旨。節該南合奏也里海牙所轄州城。宣使軍馬。多索祇應。民戶至甚苦之。定到分例。每人日支肉一斤。麵一斤。米一升。酒一瓶。乞降聖旨事。準奏。今後無得分外取索騷擾。違者治罪。十二月聖旨。諭濟南濱益都路宣撫司。節該已前體例。隨路管軍官。管民官。朝見來時。俱各騎坐自己馬匹往來。今官負有朝廷勾當。將引一行人吏。不計匹數。盡行騎坐鋪馬。以致站赤困乏。今後除有聖旨宣召人負。自有定去鋪馬數目外。據朝見官負須合來者。仰計稟過本路宣撫司。騎坐自己長行馬匹前來。不得乘騎鋪馬。三年三月。中書省奉旨。今後但發鋪馬劄子。皆從蒙古文字。已經欽依給降。及追收各處漢字劄子。凡遞運驗物重輕。應付頭匹押運之。官物少者。起馬一匹。酌中者二匹。多者不過三匹外。又為西京等路宣慰司鋪馬疲勞。擬令押運官坐車騎驢。奏奉聖旨。今後隨路車運官物。止令押運官坐車騎驢。不須給馬。都省欽依。遍行照會。四月聖旨。諭開平路達魯花赤管民官。并榆林管站官。節該今後但有騎坐鋪馬使臣人等。仰照依已降聖旨。不得於望雲取直道上經行。奪要鋪馬。止令經由撫州宣德府正站。若有軍情急速公事。海青使臣徑直望雲鵬窩路上經行。若元騎

鋪馬困乏。依例倒換。如馬不之。並不得強奪人馬。因而騷擾百姓。及過往客旅。七日中書省奏。蒲元圭鎮戍邊城。凡有急務遣使赴朝。乞給降海青圓牌鋪馬劄子。奉旨可與海青牌一面。鋪馬劄子一道。十日中書省奏。蘭州路當衝要。又是邊城。當站頭口勞斃。百姓逃徙。誠可矜憫。乞給孳畜白金以振其民。奉旨可委陝西行省斟酌與之。十二日聖旨。諭元帥阿朮據管下應管軍官。元關海青牌面。今差官前去拘收。如到除阿朮元帥府。許存留海青牌三面外。據管下軍官。在前應關訖海青牌面。並仰收拾。盡數分付差去官收管。前來繳納。毋得漏落。萬戶怯烈二面。也速解兒二面。興元成都潼川路都元帥鐵的等牌三面。閬蓬廣安順慶夔府等路都元帥欽察三面。二十日聖旨。諭各路宣慰司。節該據管下總管府。先為計稟軍情緊急。勾當。俱有關降海青牌面鋪馬劄子。即目軍民分豁。凡有民間公事。委付宣慰司。通行管領。已後仰就便申覆宣慰司。據元關海青牌面鋪馬劄子。今差官前去拘收。如到除將宣慰司先關訖鋪馬劄子。許令存留。若有海青牌面。盡數分付差去官外。其餘管民總管府。應有海青牌面鋪馬劄子。亦仰盡數分付差去官。收管前來繳納。毋得漏落。順天。真定。大名。河間。等路。陝西行省。東平。濟南。等路。北京。開



元等路。西京平陽等路。河南路。山東路。四年三月。中書省定擬乘坐驛馬。長行馬。使臣從人及下文字。曳刺解子人等分例。劄付左三部。遍行遵守。乘驛使臣換馬處。正使臣支粥食。解渴酒。從人支粥。宿頓處。正使臣白米一升。麵一斤。酒一升。油鹽雜支鈔一十文。冬月一行日支炭五斤。十月一日為始。正月三十日終住支。從人白米一升。麵一斤。長行馬使臣如齋聖旨令旨。及省部文字。幹當官事者。其一二居長人負。支宿頓分例。次人與粥飯。仍支給馬一匹。草一十二斤。料五升。十月為始。至三月三十日終止。白米一升。麵一斤。油鹽雜用鈔一十文。投呈公文。曳刺解子。依部擬分例。宿頓處批支。四月二十八日聖旨。諭中書省節該來奏開平站路斷絕。有礙使臣客旅行程。乞安置事。今令此中講究。到立站去處。并合該戶計牛馬數目。開寫前去。所據站戶。或令隨路減下。牛站。人戶充當。或於附站隣近州城標撥。速為從長擬定。令差去霍木海即便安置。仍仰本省亦差能幹官一員。與霍木海一同勾當。欽此。此外。據合用走遞牛馬。若令新撥站戶。便行初置。唯恐生受遲滯。除已別行定奪。今歲不令出備。候至新年正月內。照依各站已定數目。全要置買入站走遞。帖里站。南口牛站一處。二百五十戶。牛五百隻。為新店地近設置馬站。北口牛站。


一處。二百五十戶。牛五百隻。土墓牛站一處。二百五十戶。牛五百隻。為榆林近下不設立馬站。槍杆嶺一站。五百戶內。馬站二百五十戶。每二戶半養正馬一匹。貼馬一匹。共計二百匹。內將雷家店馬站。存留一半。雷家店走迤。標撥一半馬匹。并戶計槍杆嶺走迤。餘上不敷。貼撥就數。所有牛站。依舊應當。牛站二百五十戶。牛五百隻。鵬窩站一處。五百戶。內馬站二百五十戶。正貼馬共計二百匹。牛站二百五十戶。牛五百隻。下項七站。依鵬窩站一體設立。蝦蟆嶺。赤城。河察兒八眼。撒赤古。桓州。孛老站九處。專一搬運段匹雜造皮貨等物。每一站一百五十戶。內馬戶五十戶。正貼馬共計四十匹。牛戶一百戶。牛二百隻。宣平一站。於宣德州見設馬站內。標撥正馬二十匹。并合該戶計。入宣平站走迤。牛站依舊應當外。據宣平新增牛站。依數標撥。其餘八站。照依今定戶計。牛馬數目。差撥安置。五月十七日。聖旨。諭隨路宣慰司。節該上都以西。隆興府道立孛老站。上都以南。望雲道立車站。并馬站。隆興府以南。望雲道。偏嶺以南。至燕京漢地。合設站赤。令漢人站戶應當。西路隆興府以北。及南路。偏嶺以北。至上都。令達達貼戶應當。漢民津貼。據偏嶺以南。隆興府以南。起移前來。立站戶三千七百戶。今差斷事官阿昔鐵木兒。宣使

紀忙兀解前去與宣慰司一同於隨路馬站內驗中書省坐去均定。合起戶數。揭照各站籍定文冊。依驗丁多。及富强戶內。選揀堪中上戶。其外數目。仰於步站內。亦依上例。選揀堪中上戶。馬站戶。馬一匹。車站戶。牛二隻。於各戶下選擇。堪以當站好人。不問親軀。每戶止取二丁。同來人家屬。起移前來。於指定立站去處。安置住坐。仍就於各站。元設官吏內。亦行選揀。堪充站戶官吏。管押前來。據選揀到戶數。定立到頭目。并其餘不該起移。津貼步站人戶。各另開坐花名。丁口事。產呈省聞奏。河東西路。西京等路。十月十一日。聖旨。諭中書省。節該據隨路到隆興府雲州道上。迤南立站人戶。今起蓋房舍。準備來年當站。除依例應付站鋪頭口首思外。仰經過使臣軍馬人等。毋得於站戶處。非理騷擾。取要飲食。及奪要一切物件。各住地面所屬官司。亦不得分毫騷擾。如有違犯之人。其各站頭目。於總管隨路站。赤達魯花。赤霍木海處。說知。令轉行申省。究治外。有站戶元住處家屬。仰各路宣慰司。嚴行禁約。管民官司。及元管頭目。既是各家前來。應當站赤身役。並不得科取錢物。侵擾不安。違者治罪。五年五月七日。樞密院據成都四川等路行樞密院參政呈。劔關係田元帥所管地面。乞於劔州置司。摘軍看守劔門。更於人頭山添設驛站。庶省鋪馬。不致

失悞事情。奏奉聖旨准。八月九日。中書丞相線真等奏。站戶貧富不等。每戶可限四項。除免稅石以供鋪馬。祇應用度。已上地畝。令全納地稅。上之。是月聖旨諭中書省節該所奏。隨處漢地站驛。宜屬州府親管。其使臣起數。鋪馬強弱。合無令霍木海提領。事準奏。據隨路站赤。仰照依已前體例。止令各處管民官親行管領。使臣起數。鋪馬強弱。霍木海常切提領。子細詢問。往來使臣人等。除依例合得鋪馬首思外。無得分外取要飲食諸物。霍木海各站內。並不得添差頭目。如已有委付之人。並行革罷。管民官亦不得於站戶處。擅便科差。侵擾不安。仍仰點視鋪馬。加意喂養。須管肥壯。不悞走遞。至元二年正月六月。中書丞相線真塔察兒平章阿合馬等。奏雲州見設站戶。乃迤南州城遠來之人。別無田產。宜令近縣人戶。交換應當。乞召集各州縣官吏。齎民戶見當包銀丁口鼠尾文冊前來。品荅定奪。上曰。此輩何可委付。其令來此。從鄉等區處可也。閏五月六日。中書兵刑部。據西京路總管府申。渾源弘州等處。不係立站驛程。順天真定德興等路。使臣往來。背道經行。索換鋪馬。乞照驗本部申奉中書省劄付。行下各處站官。令兀剌赤等。今後引送往來使臣。止由正站走遞。毋得徑行不立站驛之處。倒換鋪馬。是日管領諸路蒙古漢人甲匠阿昔寒

言各路額造皮鐵衣甲。應期送納。及關撥物料。俱各給驛。庶免遲悞。省部准擬。遍行諸路。如遇阿昔寒所管局分送納衣甲。及關撥造甲物料。往來驗數。遞運。仍給押運人鋪馬。二十三日。丞相塔察兒等奏奉聖旨。四川鋪馬。祇應從行省從長規劃。今後遇有往來使臣。止用鷄猪魚鴨。祇應開具四川定立站馬匹。祇應等如後。四川總四十一站。舊有二十五站。新增一十六站。馬站二十九。驢站一十二。馬一千八十八匹。牛二百五十七頭。種田及駝馱用驢一千一十三頭。祇應和買猪鷄鴨鈔七十二定。三十五兩。長生孳畜。就支每月造酒麴米麥二百九十八石。是月大明等路工匠府。言起運常課。只孫段匹。至洛州路總管府。不應付押運官鋪馬。乞明降事。都省議令兵刑部下隨路照會。如遇各局送納係官段匹。照依舊例。應付押運人。鋪馬二匹。

# 永樂大典卷之一萬九千四百十六




# 永樂大典卷之一萬九千四百十七

二十三勘

## 站

站赤二

經世大典中在元統三年四月三日。中書右三部奉中書省判。送斷事官只八兒忽解迤南公差回還。言沿途鋪馬數少不繫於廐。頭目人等多不在站。至甚不整。仰行下各站。今後須令如法養飼驛馬常存合用之數在廐。以備走迤。其頭目人等亦須常川在站。無致失悞。四月五日。制國用使司奏準聖旨。計置驢車三十輛。春月運物赴上都。至夏拘車在官。驢令佃戶飼養以助耕力。秋來肥健取發於中都迤運官物。六月。制國用使司言河南府路推課稅。每歲差吏赴省計撥稅糧。總管府不準給驛。乞區處事。省部定擬今後每年勾集科撥絲綿糧稅。總管府轉運司人吏來時。許給鋪馬三疋。行移合屬。照會施行訖。八月九日。丞相安童伯顏等奏納隣站鋪馬。使臣經過本路州城來索諸物。臣等議使臣若無城中公事。不得輒入索物者。亦不得應付。上從之。十月。中書右丞相安童等奏西涼甘州莊浪等處增站事。今議除甘肅瓜州。其間合立站赤。候阿沙來時區處



外。就令鳳哥斟酌到中興西涼蘭州甘州信鬼添設站。可用馬一百三十五疋。牛六十八隻。驢六十頭。於官錢內買置。奉旨準。十月二十三日。中書省奏近以西夏之西。近川黃兀兒于量站。塔失八里站。攬出去站。此三處闕鋪馬。奉旨令塔察兒奪羅不解。與都省制國用使司馬區處增置之。今已定擬。合增羊馬牛之數。委麻合馬航木里等。如彼買備。奏取聖裁。上從之。黃兀兒于量站。令阿木干駙馬民戶出駙馬一百五十疋。牡馬五十疋。牛五十隻。外增買走逸駙馬牡馬二百疋。孳生牝馬一百五十疋。塔失八里站。元存羊一百二十口。外增買走逸駙馬牡馬二百疋。孳生牝馬二百疋。羊一百八十口。攬出去站。增買走逸駙馬牡馬二百疋。孳生牝馬二百疋。羊三百口。四年正月十四日。線真脫歡等傳旨送茶速禿之地。至燕乙裏。初立驛館一十四處。圖本與中書省令。與制國用使司官同議。規劃驛船鋪馬人糧之數。續奉旨。每站給羊二十口。牯羴三十口。乳牛九隻。強牛一隻。其價與買驛馬錢共斟酌支給。制府欽遵。放支鈔四百疋。下陝西等路轉運司。於五月內和買。給付各站去訖。茶速禿至燕乙裏。立十四站。拽船牛二百二十隻。驢二百二十頭。馬二百二十匹。孳生羊二百八十口。牯羴羊四百二十口。乳牛一百二十六隻。強牛一十四隻。船



五十六艘。人工二千名。備三月糧。常役水手二百二十四人。兀剌赤一百一十人。遞送小站者七十人。計四百四戶。四月中書省遣忙古解鎖赤等。賚奉御寶聖旨。諭阿出鳳哥東勝達魯花赤等官。及八令迭兒朵魯不斛納隣站民。仰從應理。下至東勝站十所。用水手二百四十人。驛船六十艘。宜令應付者。五月二十一日。中書省擬西夏中興等處宣撫司。呈東勝合立三站。本路合立七站。除從權以東勝見在船二十一艘。散給各站行用外。未造船三十艘。擬用已伐到大通山木植。其餘物料計該價鈔四十餘定。及工匠糧食合無令轉運司應辦。又忙古解回稱只打忽等處舊有船三十六艘。合令修整。七月一日。中書省奏準新造船三十艘。修整舊船三十六艘。一切物料口糧鐵木之工。官為應付。據水手二百四十名內。擬令各投下差撥一百六十二名。中興府民戶內差撥六名。西京抄海所管水手內差撥七十二名。每站給牛一十隻。祇應羊一百口。起置館舍衾褥。標撥種養之地。劄付制府。及西夏中興等路宣撫司施行訖。七月十七日。都元帥也速斛兒言乳山口守城千戶忽特木兒。申南兵船隻往來必合隄備。其鐵哥等各千戶行營。相離帥府九百餘里。並無站道。凡有急使。請令經過州城。換易鋪馬。庶不失誤軍情。省府以乳山口之地屬益都

路即墨縣。相去海口三里也。速解兒見於萊州等處行營事。宜應撥劄付右三部。行下所屬。今後如委有邊報軍情急務。海青使臣。仰經過州城。倒換鋪馬。其餘常事。沿站經行。不得指例。背驛乘傳。五年二月。制國用使司。言拘收翎根納官。除應付網運外。其押運之人。合無乘驛馬事。都省令右三部。行下合屬。應付鋪馬一匹。三月四日。中書右丞相安童。奏霍木海呈。中統四年。奉命總管諸路站赤。至元元年。改革漢站。令各路管民官掌管。霍木海提領使臣起數鋪馬強弱。勾當事理。似不歸一。誠恐兩耽。臣等議得。止合依至元元年定制。上從之。六月十九日。中書左丞相安童等。奏濟南濱。投下所出物貨。勞民遞送。有司請以蒙古戶計立站外。有二站乞差撥本投下漢民設立。臣等議得。事關大體。別無此例。上曰。塔察大王漢站。其始如何定立。可再議聞奏。十二月二十四日。樞密院官奏。萬戶黃急答兒言也。孫托非理起移。托鉢地界站赤。合無遣使前去。只令依舊置立。奉聖旨。且曰。令黃急答兒差人去者。六年二月。御史臺呈奉中書省。定擬司官巡歷合屬。如無馬站去處。就乘州縣官馬匹。依例更換。為例施行。是月御史臺。定擬憲司遣官詣朝廷計事。合依總管府例。約量差起鋪馬。每道給鋪馬七匹。劄子三道。計一十二道。發下各司。遵守施

行。三月制國用使司。據運司申為制府所屬合用鋪馬。就本路總管府出給劄付。恐本司有故遣使。總府不准應付事。制司議行下合用鋪馬。除就發常行劄子外。若有不敷。斟酌可用幾何。依舊例關總管府取給。五月十二日。中書右丞相安童。平章政事忽都答兒奏。中都至上都站亦以聚會故。遞運係官及投下諸物數多。滯不能發。至甚勞苦。臣等與樞密院制國用使司。御史臺宣徽院。及四怯薛官同議。洪贊至獨石四站。各增車驢三十具。榆林站增牛驢十具。總計價鈔一百五十六錠。自火你赤為始。至上都蒙古四站。於四怯薛內。差撥牛畜助運一月。官給路貲。似為便益。奉聖旨準。六年六月。西京路申驛使到站。往往不知姓名。又不明示起馬劄子。及所幹之由。乞下隣境官司。開折文字照會事。省部準申。行移各處官司。今後起發印信關文。應付鋪馬施行。十一月制國用使司。言巡鹽官吏弓手。舊例每名官支米一升。馬粟三升。芻一束。雖多不過十人。草青之時。不支芻粟。今所支多於元定之數。擬合轉運司課稅所。今後差官出巡。明給公文。具人馬實數。令所至官司。依上應付。都省準擬。十二月河南道提刑按察司。言河南兩路鋪馬。前都元帥四萬戶統軍司等。泛濫給驛事。河南行省移咨軍前行省。各令照會都元帥。及總管四萬戶。河南

統軍司沿邊監戰萬戶。今後遇有給驛。申省斟酌緩急起馬。毋得擅行。其河南兩路總官府轉運司。并迤北差來南京軍前計事者。亦驗緩急應付。各官司毋容輒準給發。七年正月十一日。中書省臣阿里傳旨。若曰內外諸處往來使臣。須憑印信文字給驛。無文憑而起馬。給馬者皆有罪。都省劄付右三部。遍下合屬。欽依施行。二月中書省。據左三部呈。與右三部議擬站赤事理下項。一總管府在城驛。設官二員。就於見役人員內。擇有根脚經事者任之。直隸總官府。不得用私己人。一州縣驛。設頭目二名。如見役人。即是相應。站戶就令依上任事。不係站戶。則就本站馬戶內別行選用。一府州司縣官站官。皆不得借乘鋪馬。影占站戶。及擅科差發侵擾。仰總管府常切體究。違者治罪。一從站戶自買肥壯齒小無病馬匹。喂養走迤。有司及諸人無得結攬。一站赤合供報文字。總管府依例行下合屬縣分取勘申報。一除脫脫禾孫。依舊存設。據隨路見設總站官。截日革罷。於內若有祇受聖旨。令旨。中書省劄付。及歷事年深別無過犯者。保申合干上司區用。一照依舊例。經過使臣。開具各位下姓名。并鋪馬數目。賫擎是何官司起馬。蒙古字劄子。從某處。前往某處。幹辦是何公事。各站每季造冊申報總管府。不過次月初十日。以裏申部。六

月十二日。速古兒赤明安答兒對中書省臣。奏京兆府營葺館驛。不令使臣止宿。却於民家安泊。豈不擾民。奉旨若曰。既有使臣。驛舍不令安止。乃宿民家。騷擾百姓。安有此理。省部欽依。通行革正訖。二十日。樞密院奏。先奉體例。禽獲走小路賊人。并細作人所有。南貨一半充賞。一半沒官。臣等議得。札撒聚會時。宜以沒官物充使臣飲食之費。從之。七月九日。益都路言。各位下使臣給驛。各齎令旨起馬。本路合無再出劄子。其馳運物貨鋪馬。未審如何應付。乞明降事。省部照得舊制。段匹皮貨。例從車運。至如各位下進納海青鷹隼人負。委有印信文字。所起鋪馬。與見納堪中鷹隼數目相同。本路不須再給劄子。若實起鋪馬。比元文數少。令各路明具關文。相沿倒換。八月。省部定擬都元帥府。統軍司。招討司。遇有蒙古軍人與民相關。及軍前公事。從本府遣使就乘長行馬。於差劄上明具人名馬數。公事之由。給限應付分例。其餘萬戶千戶。不得指例。如非軍前公事。及無印署文憑者。皆禁止之。九月二十八日。大理鄯闡金齒等處宣慰司。呈準差來立站。使臣帶木斛亦只里等文字。該與帖古斛相接立站。卑司即便和買。到鋪馬一百五十匹。并察罕章分到站戶五百戶。已於西番小當當地起立馬站畢。外據大理寺等一十四處。見今鋪馬闕少。站戶消乏。

為此本司大小官吏。出私已錢買馬二百匹。官錢和買八十匹。乞照驗事。都省移咨尚書省照驗去訖。十月二十六日司農司言。四道巡行勸農官。乘驛勸課。所過無站之處。合無從按察司巡歷體例。乘坐馬匹。請區處事。都省準擬依上施行。十一月河北河南道提刑按察司言。河南轉運司起納課程。除馳鈔鋪馬外。止合差官一負。起馬一匹。不應多起庫子馬一匹事。收銀庫呈。若止差庫官一負。難以照畧。申奉河南等路行尚書省。擬送本司。今後起納課程。差庫官庫子各一名。就用元降本司劄子起馬二匹。是月九日。始立諸站都統領使司。兀良哈解幹脫哥。欽奉聖旨。專一管領站赤公事。來往使臣。令脫脫木孫盤問。無聖旨牌面起馬者。裁減之。非急務。則應付牛驢。事速則馳驛。一切整治。委命兀良哈解幹脫哥。霍木海三人主之。有不聽其號令。致鋪馬倒死。首思失悞者。罪之。八年正月二十五日。中書省議鋪馬劄子。初用蒙古字。其各處站赤。未能盡識。仰繪畫馬匹鑄造小印。於劄子年月日之後。墨印馬匹數目。後以省印覆之。庶無疑惑。因令今後各處取給鋪馬。標附文籍具馬匹數。付譯史房書寫畢。就左右司用墨印。印給馬數。目省印印訖。別行附籍。發行墨印。左右司封掌。四月陝西四川等處。提刑按察司言。書史書吏。奏差元例。給鋪

馬一匹。似為不敷。御史臺議擬每道增給鋪馬八匹。如書史、書吏、奏差、侍官、巡按、量地之近遠。事之閑劇。給馬不得過二匹。回日繳納。照會為例施行。五月御史臺言監察御史各道按察司巡按體察公事。合乘鋪馬。呈省出給劄子。不惟遲悞。亦有事涉機密。如制國用使司。樞密院遣使。俱自出給劄子。合無依例。就便斟酌出給事。都省準呈。下尚書兵部。施行。照會。六月一日。東路都元帥也速解兒軍馬南征。經莒州莒縣宿頓。憑樞密院劄付。坐下千戶一員。日支羊半口。重一十五斤。取於縣司。既而本縣照議。先欽奉聖旨。出征聚會軍馬經過本處宿頓。每千戶一員。應付羊半口一十斤。今所支過多。遞申省部區處。戶部照得至元六年十一月十二日。中書已擬千戶宿頓。支羊半口一十五斤。仰照驗施行。八月六日。御史臺。據河北河南道提刑按察司申。體知在城館驛。多為有司官占居。却令使客於民家安下。問得本路館驛四位。為達魯花赤同知已占其二。理體不宜。卑司除已行移本路起移各官外。申乞照詳。十二月。山東東西道提刑按察司言。各路官負乘驛品秩或同。起馬却有多少。乞區處事。兵部照擬隨各路官負。若奉持旨。或省部明文。以急務乘驛者。依舊例三品五匹。四品五品四匹。六品七品三匹。八品以下止給二匹。仍申事例如後。

一隨路總管府官監捕蝗蝻。達魯花赤總管起鋪馬三匹。同知治中府判二匹。一運司每季差押運官一負。庫子一負。赴部納課。元給劄子起馬二匹。今運司既罷總管府。依例送納。一各路交鈔庫子庫官。赴都關支鈔本。解納昏鈔。從各路總官府。就給劄子起馬二匹。一隨路局院。起納段匹。雜造軍器等生活。各路就起劄子應付押運官鋪馬一匹。一隨路府運司等。每歲計撥稅糧。考校課程人吏。今運司既罷。各路依例。就給劄子起馬三匹。一隨路係官局院差人赴都。及於他處關撥物料。起馬一匹。上年不曾馳驛。不在此限。一隨路差人根檢急遞鋪。遺失損壞文字。本路就給劄子起馬一匹。一隨路差人押運進呈御膳野物。本路給劄子起馬一匹。一隨路運司馳運鹽引。驗斤重給馬。今改立都鹽使司。亦依例應付。是月中書省據御史臺呈。軍中差人辦事。及取發年銷紙劄。委官各處歸問軍民詞訟。并出征人負。合無給劄子起馬事。送兵部議得。沿邊萬戶。遇軍情急務。差人飛報。各許給鋪馬一匹。又統軍司都元帥府。差官直赴朝廷。計會軍情事務。合乘鋪馬。不過二匹。並從統軍司都元帥府給劄子。至如差官各處歸問軍民詞訟。取發年銷紙劄。別無乘驛之理。其軍官出征。自有征行馬匹。難議馳驛。遍行為例。九年五月。中書工部



差委造甲官馳驛。引領作頭等人。前去隨路指使造甲。送戶部定擬分例。所至應付。罷役住支。知會造甲官宣德府甲局。劉應日支白米一升。麩一斤。肉一斤。鹽油菜燈等物。作頭一名。日支白米一升。麩半斤。肉半斤。油鹽菜等。八月中興等路提刑按察司。言五品以上長官。俱得進表。稱賀。止令乘已馬。預期來上。照得中興等路行省。每遇聖節元日。差人進表。俱各乘驛。早司相去朝廷。不啻萬里。今後合無依行省例。馳驛進表。一就赴臺計稟公事。似為便益。省部議得各路計稟公事。及押送諸物人等。尚得馳驛。其賫擎表章人負。皆以臣子赤誠。若由常行馬匹。於禮未安。擬中興等路。道途迢遠。今後遇天壽聖節元日。差人捧表詣闕稱賀。擬合起馬一匹。相應。所據各道按察司。并隨路總官府。五品以上。及直隸省部官署。一體施行。移文遍諭遵行。是月西京路脫脫木孫昔班盤詰詐使忽賽因及無劄子起馬之人。劄璘親乘鋪馬。押送二人。赴諸站都統領使司區處。西京路言昔班乘驛非法。都省下本司推問。昔班引據舊制云。脫脫木孫盤問下使臣夾帶物貨。許從鋪馬押送。今次已嘗白於西京路達魯花赤等官。令遵先例送上。以故起馬。非我罪也。諸站都統領使司。議昔班因公馳驛。初不為過。省部準擬。今後脫脫木孫。若有公幹。合行馳驛。即於本路官司

出給劄子方許起馬。照會各路依上施行。又諸站都統領使司言。朝省諸司局院及外路諸官府。應差馳驛使臣。所賣劄子。從脫脫禾孫辨詰。無脫脫禾孫之處。令總管府驗之各站。明白相關所差之由。如干軍務急速公事。依例走遞事。苟細緩而非理馳驛。所過州城探親飲酒留滯。及至上馬兼程走驛。傷損鋪馬者。當治罪勒償相應。都省準呈施行。十一月河間路備清州會川縣言。本縣路當山東益都淄萊濟南等處衝要。却無設立站赤。不時驛使經過。索換鋪馬。除將官吏已馬應付外。又復邀奪船隻。客旅及坊郭軍民馬匹乘傳。騷擾不安。因而死損民馬。多致訴訟。合無令自大都迤南。并益都淄萊濟南站赤。凡往來起馬人負。今後並由站路經行。嚴諭各站官吏。及回馬之人。湏令引送前路立站去處換馬。毋取小道。似望商民安便。省部準擬。行下合屬依上施行。十年五月。陝西提刑按察司僉事董奉議言。至元九年十二月。至太原介休縣。見蒲元帥一行起馬二十四匹。又至平陽霍州站。見合剌統軍起馬三十匹。為數太多。乞定奪事。都省照會樞密院議。擬到軍官合騎鋪馬數目。行下合屬遵守施行。四川行院長官起馬八匹。次二官起馬六匹。次三官起馬五匹。次四官起馬四匹。軍官萬戶起馬五匹。餘者馬三匹。六月十六日。中書省議。今

後遣使。回日。須將元給牌面鋪馬劄子。隨即繳納。違者究治。通行中外。照會施行。十八日。兵刑部侍郎伯木。奏失呵兒幹端之地產玉。今遣玉工李秀才者採之。合用鋪馬六匹。金牌一面。上曰。得玉將何以轉致。至此對曰。省臣已擬令本處官忙古解拔都兒。於官物內支脚價運來。上曰。然則必得青黃黑白之玉。復有大者。可去其瑕璞起運。庶幾驛傳輕便。九月。中書兵部議諸官府出使。事非急速。往往在路停止。及至上馬。兼程奔驟。遂將鋪馬損斃。今立程法。通行遵守。一驛使到站。先驗起馬劄子。其事干軍務急速。即仰如數應付良馬。毋得停滯。如係緩慢公事。當日行過三站。復欲起馬。或無劄子。不得給行。一依驗劄子應付正馬外。其元來兀刺赤。已給馬者聽。無馬者徒步引送許乘正馬以回。仍關前路照會。一馳驛使臣。合祇應飲食分例。不得闕悞。若有長行官負。雖貴上司文字。令應付飲食者。州縣與之。站赤毋得擅給。一諸府州縣官。迎迓官負。不得差人乘驛馬。一今後除朝廷軍情急速公事之外。毋得擅差鋪馬。亦不得亂行前路文字。一今後使臣人負。乘前站馬匹。遇晚到站。不可還者。仰本站依例遞相飼秣。毋得闕悞。一站內槽前鞍轡繩索。一切什物。須要完備。仰各處提調官。每日點視。毋令短少。馬匹不得瘦弱闕役。十月

中書省所委整點站赤。斷事官亦捏哥呈擬便宜二事。其一謂隨路總管府差人馳驛。不計事之緩急。輒起鋪馬三匹。兀刺赤馬一匹。此時軍務方劇。竊恐所起數多。馬匹疲瘦。久而失悞公事。宜令今後以軍情要務遣使者。量起鋪馬一二匹。餘事止乘已馬相應。省部準擬。其二謂隨路差人吏赴省部。照筭稅課。送納軍籍者。自始發及回日。不論緩急。日夜奔驟。走損鋪馬。又於站赤取索鞍轡雨衣氈褥。動致弊壞。合無令乘驛人吏自備鞍轡雨衣。應限到部。事畢。依程從緩還役。省部議得。馳載係官文字。當從站赤。應付苦氈。餘令人吏自備。本路承受部符之日。即合起遣應限。毋致遷延。至期。致令人吏兼程馳驟。事畢。亦須徐緩還家。十二月諸站都統領使司言。本司品同部院。各路總管府。合聽指揮。今總管府親臨站赤。本司係總要上司。擬隨處站戶同軍戶。與魯擬屬元籍州縣外。其立站去處。合無革去州縣一重官府。止令徑隸總管府。依樞密院例。並聽使司指揮。易為責辦。二十一日。省部照擬站戶同軍戶。與魯擬屬元籍州縣外。擬立站去處。止令直隸總管府仰總管府。並聽使司指揮。通行照會。十一年五月。諸站都統領使司言。朝廷遣使幹辦諸事。每負鋪馬。不過三匹。此常制也。今省院諸司。凡差人負往。起馬四匹。乞區處事。省部議得。除奉使遠

方。及非常例事。干急速者。隨時斟酌。其省院臺部諸衙門。常例遣使馳驛。多不過三匹。仰依上施行。十月十二日。益都路總管府言。先奉諸站都統領使司。照會立站去處。革去州縣一重官府。直隸總管府。並聽本司指揮。續奉禮部符文。却該諸站都統領使司。各路總管府。並聽指揮。別不曾云立站去處。直隸總管府。請明降事。省部照擬得隨處站赤。止令直隸各路總管府。外站戶家屬。擬合元籍州縣管領。仰依上施行。十二年二月七日。中書省奏奉聖旨。增給東西兩川鋪馬。祇應中統鈔二百錠。是月河南等路宣慰司。言各路押軍及運兵器人。負每人起馬三四匹。以致站赤消乏事。都省議下南京路。今後若有差遣押軍及運兵器者。起發鋪馬。不過二匹。河北諸路。亦從此法施行。三月七日。中書省奏。其州所管長行站。納憐站。其站戶多有投訖各投下者。以致見當站役者貧乏。又批支不敷。站中常闕鋪馬。往復使臣勞苦。臣等議乞差人往問。果是站戶。悉令還之。奉聖旨準。十二日。中書平章政事阿合馬。張右丞。奏諸王只必帖木兒。所置三站之糧。未請接濟。臣等議。每站二十人。計六十人。一年之食。以羊準支。其久遠口糧。每人給乳羊五十口。奉旨準。六月中書省。所委點站。斷事官。城里吉。解。言隨路計撥稅糧。考校司吏。初非急切之事。往往

走驛驛馬。乞禁約事。省部準言。通行禁約。十一月二日。中書兵刑部。據濟寧路備兗州曲阜縣。言本縣路當連海徐沂等州。本非驛道。使臣之來。需換鋪馬。稍或分辨。動遭箠罵。今年自春及秋。泰安州滕州鄒縣。數送使客。經行縣司。慮失公事程期。未免以官吏弓兵之馬。及驅逼居民過客。所騎馬匹。以代驛傳。常有死損。竊照省部定例。差委官負。須經正站。乞區處禁約事。省部議下合屬。今後無令兀剌赤人等。引送使臣人負。無站去處。經行。是月河南等路宣慰司。言蒙古千戶百戶。俱有常俸。而所過宿頓。復需飲食分例。騷擾不便。中書照會樞密院。照擬得蒙古萬戶千戶百戶。遠近出征經過。及聚會去處。合用飲食。令有官署州縣。照依定例。應付。如鎮店村坊人煙稀少之地。不合取要相應。都省準呈。下合屬照會施行。

十三年正月十五日。諸站都統領使司。言伏自大元立國以來。軍站為重。至元七年。上命設立本司。掌管漢站。兀良哈解翰脫哥霍木海三人。同事。照依樞密院例。委各處達魯花赤管民正官。兼管遇有裁決不定事務。止申本司。乞更官署之名。省部行移翰林院擬。改為通政院。奏奉聖旨。何用此名。回奏為行移公文之用。上曰。既爾與之可也。十八日。都省命降鑄印信。改立通政院訖。七月中書省議。時當暑月。道途泥濘。諸官府不分

事之巨細緩急。泛濫給驛。今後各路官司。及諸色人負。遇事須申上司。區處給驛。果有急務。就便起遣。毋致泛濫。通行遵守。十四年二月七日。中書左丞相合伯。平章政事阿合馬。奏永昌路山丹城。許速土帖里滅土火。郎各站。請給立站錢六十定。又乞以鈔千定。令其規運息錢。補增五站。祇應不致失悞。又諸王只必帖木兒。言永昌府站戶一百二十戶。當役困乏。鬻其妻子地產。先奉上命賜寶鈔五十定贖還。又用三十一定。買馬八十匹當站。止存一十九定。贖其妻孥。尚闕三十一定。乞矜憐給賜之。臣等議得依數支給。俱奉聖旨準。十五年二月。諸路皮貨都提舉司。言舊制拘收皮貨人等。合乘鋪馬。皮毛脚力。亦當應付。乞區處事。都省下兵部。仰照舊例驗物輕重。應付脚力迎運。是月中書省。定擬隨路站赤。官為應付。祇待羊口。皮毛納官。頭蹄肚臟等。折計斤兩。準肉支用。送兵部依上施行。五月六日。中書平章政事哈伯等。奏中慶路至烏蒙賽典赤所管之地。立訖九站。烏蒙北五站不得立。烏蒙土官。稱使我屬賽典赤。則可立站。臣等議差人諭塔里不罕。能主張立站則立之。不能則委賽典赤領其地。以立站。又烏蒙北至叙州。若造船立訖水站。則陸路七八日程。順水一日可到。俟立訖。來由水由水路。去者使由陸路。為便。並奉聖旨準。是月益都

路淘金總管府。言十三年設立官署於淄萊路。萊州置司歲辦金課。除於淄萊路取給驛馬駝載及押運官乘驛赴上進納外。年例起解并考校人吏。合給鋪馬。預乞區處事。省部照擬。除考校課程人吏別議。開定納課乘驛數目。仰益都路遵守應付施行。府官一員。閏端赤。駝馱馬共三匹。收金庫官馬一匹。馳金馬一匹。六月十五日。奉旨火魯火孫等。奏其州宣慰司呈。敬奉只必帖木兒王令旨。在先接濟站赤給降鈔一千定。禿兒干站。以不曾奏聞不得。乞依山丹城等五站例。與鈔二百六十定。奉聖旨。準。七月河南等路宣慰司。言今後除朝廷大官蒙古使臣。及不食死肉官負。依例應付羊肉活雞。餘者給猪肉。又泰安州。言屠戶供備羊肉。官價有虧。無可從出。省部議依河南宣慰司所擬一體應付。行移合屬依上施行。十月中書兵部。照得諸衙門尋常差委之人。站赤亦同朝省大官蒙古使臣。一例應付猪羊肉分例。或一名起鋪馬三匹。全支分例。復需酒饌常行馬芻粟。又不於館舍安宿。以此相度。除朝省大官蒙古使臣。及不食死肉官負。與隨朝尚書等依例應付外。其不相干官府所差之人。驗差割應付正人分例。食以猪肉。宿於館驛。如無許給常行馬芻粟文字。不得應付。行下合屬。照驗施行。十二月大名路滑州內黃縣。言比者有人自



稱校尉。需求分例。却無許支文憑。本縣路當驛程。常有似此之人。難辨虛的。今後若有校尉承差。乞給文憑事。省部依準劄付宣徽院。但差校尉依例。令當該部分。出給文憑。於合屬應付飯食。仍遍行照會。若有似此無文憑者。不得支給。十六年正月。南京路言速忽都公主至許州。命取盃酒。已於官務應付外。設有不測。朝省蒙古漢人太官。似此需求。無可應付。又保定太原等路。大都廩給司。各言如上位及諸王位下使臣。祇應盃酒。合無設立官務醞造供給。兵部議得祇待使臣官負盃酒。合照依舊例醞造。祇待呈奉都堂鈞旨。送本部斟酌施行。二月中書省所委照勘南京等處稅課官馮八兒。言東昌路押奪民車。運載金銀至茌平縣。不為交換官司。迺運。明出官錢。和顧民車。或差撥站車。豈有脅奪百姓車輛之理。都省送兵部。遍行各路。禁約施行。四月大都路脫脫禾孫。言濟寧府等路。差來使臣所賣起馬劄子。雖寫蒙古字。却云漢語。又且字有差訛。乞下合屬路分。改正書寫蒙古字語。通政院具呈省部。照擬得濟寧路。別無蒙古譯史。以此不能如法。擬合令翰林院。先發譯史於各處就役。然後改正書寫。遍行各路。今後凡遇差人起馬劄子。書寫蒙古語言字樣。仍取問見役譯史。是否翰林院所發人數呈省。五月二十日。臨洮府脫脫禾孫塔察兒。

言臨洮鞏昌通安等十站。富者出籍。貧者充役。比年災傷。闕食。驛馬倒斃數多。官政逼迫。未免鬻妻賣子。以至逃亡。或有投充諸王位下。昔寶赤怯憐人匠等戶。規避站役者。至元十四年十五年。伯答罕土里叛亂。人不聊生。官司又復拘收馬匹。及倍程乘坐車馬過站。科差和買。雜役站戶。難以存止。乞照詳事。是日中書平章政事合伯。御史大夫王速鐵木兒。樞密院官朶兒朶訶孛羅。通政院官兀良哈解等。集議定一十五事。塔察兒對仗。奏告俱奉聖旨準。省臺欽依。下合屬施行。一言先奉。上命除帶新圓牌。聖旨外。凡以公文遣使者。鋪馬勿與。今諸王及諸官府。因公移文遣官。如何給驛。臣等議得。軍情重事。擬帶圓牌。此外不以是何公事。諸官府行以公文。若阻滯之。竊恐不宜。一言總帥所轄城邑。有站戶三百四十戶。今皆投充諸王。只必鐵木兒。駙馬愛不花。投下戶。臣等議依先例。回當站役。一言只必鐵木兒。王位下使臣。已給鋪馬。祇應外。其長行馬匹。復索芻粟宿頓等物。今後似此者。勿得支與。一言臨洮府站赤。元有牧地。今只必鐵木兒。王令旨。令海陰禿昔刺。陳鐵木兒。不花。三人為主。臣等議令。審實回付站赤。一言僧俗之官。把執諸王鋪馬。令旨者有之。臣等議得。合行追收。一言民戶及諸王布施之物。有給鋪馬行者。今議諸王布施許

起鋪馬。其餘僧人毋得給驛。一言諸王位下細茶飯。五戶絲及軍人錢物如何。給驛將送。臣等議得此係已先所行。不宜遽罷。一言幹脫息錢。合無收拾給驛。今議如舊制。一言總帥總管府。按察司官給驛。合無減省。臣等議得果有軍情急務。許由鋪馬經行。此外站赤。不得給驛。其干民事者。州城有司。應付起遣。一言諸官府遷轉。往來官負。合無減省給驛。今後鋪馬不與。一言諸王作佛事。寫經等。取運物色。合無減省給驛。今議並依已行。一言諸王所過民間。不置行幕。却仰站赤行止。今後若有急務。須乘鋪馬。餘者準備宿頓之所。迤邐前來。一言黃水站。有乘舟復換鋪馬者。請減省事。今議似此一次二次。可省者從之。一言土鉢地。差去使臣。除元來鋪馬定數外。復將大王國師。鋪馬文書物件以行。臣等議得元來鋪馬文書已上。不令增給。一言都省樞密院。御史臺。通政院。王相府以公文起發鋪馬。合無減省。臣等議得諸公事在先擬從鋪馬辦集。豈可罷之。但依先例施行。是日中書平章政事合伯。御史大夫王速鐵木兒等。奏臨洮府脫脫禾孫塔察兒。阻遏隴右河西道提刑按察司。巡按人負。不給驛馬。臣等謂總帥府。總管府。按察司等官。因公起馬。固不可省。奉旨若曰。此等果有軍情急務。合給驛馬。餘者則不得給。其干民事者。經

由城邑以行。二十七日。中書省臣奏奉聖旨。往來使臣人等。或無文憑。輒於沿路站赤。取給飲食馬匹芻粟。今後皆勿與。欽此。都省下兵部。遍行合屬照會。是日中書省。奏愛不花所治州城。議立二十三站。合用牛三百隻。車二百輛。牛價就彼支鈔。及令西京準備車輛。奉聖旨準。二十九日。中書省臣桑哥等。奏李陵臺管站官吏。侵盜祇應官錢。科取百姓物色。事發詞伏。計贓二百三十二定。已追二百定。未追三十餘定。且如一站追至此數。其餘似此者多矣。臣等議。令通政院官李欒解等。追理。仍遍行禁治。如有侵盜之人。自首於官者。免其罪。奉聖旨準。六月三日。中書省奏西域之人。有自河西來者。往往假公營私。每於諸王只必鐵木兒府。告給驛馬。不得。則求於宣慰司。迺傳以來。合無戒飭宣慰司。今後詰其所由。可者遣來。其不可者勿從其請。奉聖旨準。九日。中書平章政事合伯。參政耿仁。參議禿烈。羊阿等。奏。臣等與兀良哈解阿合馬等議。木八剌沙所言。達達四站事。榆林站元僉一千二百七十戶。洪贊鵬窩。獨石等三站。每站止僉八百戶。今自西川拓跋河西等處。來使皆由此三站。若比榆林站戶之上。又增八十戶。每站一千三百五十戶。三站總計五千四百戶。方為得宜。又在先四戶養一馬。今議五戶養一牛。猶慮新僉站戶事未慣習。於舊

站內差一百戶。新撥二百五十戶。每站三百五十戶。以充車牛之役。舊站一百戶。却以新撥戶補之。外一千戶充養馬之役。選差廉幹頭目。以董其事。令宣德府西京北京三處。差撥二千七百戶。近裏城邑。差撥二千七百戶。以充新撥之數。每站增置馬一百五十匹。牛二百隻。車具全。每馬一匹。價鈔一定二十五兩。車價一定。數內達達車二百輛。漢車五十輛。如此規劃。未審可否。上曰。達達站赤。如何區處。兀良哈解對曰。容臣再議。敷奏。

是月大名路。申使臣盃酒。在前定到萬戶日支酒三十升。千戶二十升。百戶十五升。使臣人負一升。為不見軍馬宿頓。斟酌合支多少。都省令樞密院議。定萬戶日支酒三瓶。千戶二瓶。百戶使臣例同。日支一瓶。見出征軍人下。各路依上應付。仍定每瓶準酒一升為數。行移合屬。照會依上施行。

七月五日。兵部侍郎忽都荅兒。奏先嘗有旨。謂來往使臣。除衾褥外。餘物鋪馬上勿載。如有從脫脫禾孫搜取之。今使臣凡有所將。悉為脫脫禾孫之利。江南使客實多。恐無此理。上曰。朕未嘗言之。今後毋令搜者。省部欽遵為例施行。是年。潭州行省。以公事遣傳總把者馳驛。由南京路。站道經行。為所乘馬步驟不佳。在途奪乘本站回站馬。奔走倒死。省部議合陪償。咨潭州行省施行。十七年二月。上都留守司言。每歲支持糧斛。全

籍北京收糴。民力運送。官民勞費不便。又興州道站赤。相接北京路豐臺站。歲運迤東高麗耽羅東京等路。進獻御饌鷹隼。諸物往來。官吏頻數。人馬闕乏。莫若將放罷牛群頭等四站。蒙古戶計。徙至興州道上。立懺道禿七箇營。蒙古兩站。却以懺道禿等漢人站戶。分立尖山。新店。湧泉三站。每站擬設三百戶。除舊戶四百二十八戶。外合擬北京路附近相應當差四百七十二戶。總九百戶。應當站役。與蒙古站接連遞運。似為官民兩便。設如力有不迨。量顧民丁。終是省費。請區處事。是月四月。王速鐵木兒朶兒朶合等。奏取聖裁。上從之。都省欽依。劄付兵部北京宣慰司。通政院施行。訖。九日。通政院言。宣州林原等站。並無分例食羊。止憑站戶捕獵野物。祇應使客。今奉聖旨。禁斷軍器。拘收弓箭。無可採捕。失悞祇應。四月二十五日。中書省臣孛羅等。奏奉旨射野物者。許執弓箭可也。二十八日。平章政事阿合馬。奏和州言。民戶祇應往來使臣。首思以故困乏。請為奏聞。優增物力。庶幾休息。臣等議得。鋪馬首思。乞從中書斟酌與之。奉聖旨。準。是年春。江淮行省言。各處安置水陸站赤。遞送使臣。事干軍情急務。則給馬。緩者乘舟。却有毆逼站官。必須馳驛者。往往損斃鋪馬。失悞站赤。除已增補水站船隻。及令馬站約量存留驛騎外。今後擬令本省宣使人負。

無問緩急。止從水驛來往。自朝廷以至諸王公主駙馬省臺樞密院。差來使臣。亦請一體於劄子上該寫。自邳州為始。應付站船遞送迤南。委是便益。都省劄付通政院。呈擬水程八十里。增立一站。依例撥戶。官支口糧。和買船隻。各馬站斟酌存留馬匹。以備劇務走遞。除照勘增置水站地方。及存留馬數。別行具呈外。都省議得今後除海青使臣。軍情急務。方許馳驛。餘者自濟州水站為始。乘船往來。所給劄子明白該寫相應。遍下合屬。依上施行。四月三日。左阿剌太子位下。來使鐵赤速都寒。奏臣等馳驛至豐州站。待至日暮無祇應者。遂問得州官。言往者有司管站。未嘗若此怠慢。今無人鈴束故也。奉旨若曰。今後使臣赴上計事。似此怠慢失悞必矣。其與中書省言之。都省欽遵。劄付西京上都站。戒飭官吏。從朝至暮。不得擅離。及差官點視。如有違慢一次者。斷罪。再犯者黜代之。十五日中書參政耿仁等。啓皇太子曰。去年五月臨洮府。脫脫禾強塔察兒。奏奉聖旨遷轉官。已後毋得給驛。今年正月御史臺。奏南方及河西西京京兆府。差去官負。不能自達。定議二千里之外乘驛。二千里之內者。備已力以行。令旨嘗可其事。今管民之職。似此遠行。合無依御史臺所奏。一體施行。奉令旨準。七月十二日。中書參政耿仁。尚書阿里等。奏白宣慰言大江。南

北各站多有消乏。合無定議江南行省各道宣慰司總管府萬戶千戶。除奉 upper 命赴朝外。若以公事歷本境之地者。止乘已馬。果有軍情急務。則遣使往來馳驛。臣等以為諸官被召。及機密軍務宜從行省。迺遲乘傳。其朝見及言利便者。止乘已馬。或妄說官中公事而給驛者。罪之。奉聖旨準。

十八年二月。少府監呈年例召集各路放還人匠。沿途合用飲食脚力。請應付事都省。下兵部照驗。如是起到人匠前來。照依年例應付粥飯脚力施行。二十三日。樞密院奏重慶至荆南府二千里。水站凡十四處。其間多闕站船。若於夔府之下。巴東之上。巫山縣增立一站。復以峽州白沙站。移至下流黃牛廟前安置。似為便益。今蠻夷宣撫司郭漢傑言有亡宋養種戶三百。乞斟酌撥充站戶。臣等議得種田戶勿與以鈔二百定與之。奉旨準。本院具呈中書給降鈔數。差官點視自叙州至荆南府。各各水站。除舊有一十九站。一千四百一十八戶。船一百二十九艘。外新增站夫六百八十二戶。船七十三艘。四川南道宣慰司領巫山縣一站。與荆湖北道宣慰司所領歸州萬派一站。總計二十一站。二千一百戶。船二百一十二艘。

四月二十九日。御史大夫王速鐵木兒。樞密副使朶兒朶海。僉樞密院事暗伯。中書省左丞耿仁等。奏諸王阿只言舊站消乏。不能增新站物在。



乞賜矜憫。依先例津濟。只令遞運租賦。上曰。彼處站赤。乃茶合解兒所。立今朕增與物力。專令遞運租賦。除朕以急速事遣使外。不以是何昆弟使臣。此站勿得行。五月十七日。尚書何里。奏先嘗奉旨造海青牌。每一面或兩面造成。即逐旋送上。一人不得納。湏令兩人。蓋防盜之也。令大都中書省臣阿合馬等。議合無令因公差去之人。就便附納。庶省鋪馬。取自聖裁。上曰。阿合馬之言。是也。有誠實之人。可就致之。不必特送。六月十六日。省部定擬下益都路等處。今後凡遇起運官物。令元發官司於差別上。具押運官姓名所乘人物斤重。可用船車。防送人數。預定起程。所至日期。行移前路官司驗憑。別無詐偽附帶。依數應付遞送。仍令經過去處。季申遞送車船。起數到部。七月二十九日。中書左丞耿仁。奏汪左丞四川分省。請給圓牌。用備馳傳。奉旨準給。八月八日。尚書阿里。左丞耿仁等。奏隨路祇應官吏。數年以來。多有姦弊。侵盜官錢。臣等。今議立法繩之。奉旨若曰。此乃卿等之職。其自裁處之。閏八月中書省。定議隨路站赤祇應。奏奉聖旨。此乃中書所職之事。卿等處之。二十四日。都省通行各路諸寺監宣慰司。欽依施行。一。中書省以下諸官司。所差使臣。今後推故違慢。追陪元支。祇應治罪。一。諸使不得將引家屬需求飲食。及常行馬芻粟。除

軍務急速。不拘程限。餘事各計往廻幹辦公事。小大程期。明書差劄。令所過官司站赤辨驗。其無故走死鋪馬。或違限遷延行程。多支祇應。無省部許支文憑。取要家人飲食。常行馬芻粟者。並勒陪償治罪。一諸驛擇有家業廉謹之人充站官。月具支過省臺部院等來使分例起馬之數。各因是何公事。申報省部通政院。及元差官府勘會。一除上都榆林迤北站赤外。據隨路道元撥官錢。不湏支付。驗其閑劇。量增站戶。協力自備首思當站。是月二十五日。張右丞郝左丞等。奏隨路管站官吏。減尅使臣祇應多書文籍。及冒破常行馬匹芻粟。罪不勝紀。臣等議。令樞密院御史臺行省。并諸官府元差遣使臣。逐月報省。仍令驛站亦具數目。兩各查勘。其弊自見。庶幾後人懼罪懲戒。奉旨曰。善其行之。九月。通政院言東平路在城站。連年死損站馬。蓋因馳運重物。損肋破脊。不堪騎乘。合無定擬。凡係解納沉重之物。以舟車舁載。似為便益。都省準呈。仰依上施行。十一月。通政院呈。應運重物。所在官司應付疾便。脚力既費。官錢和買。又且騷擾車戶。請區處事。都省送兵部。遇有合運官物。驗緩急依例遞運施行。十九年正月。中書省奏。奉聖旨。腹裏飛放鷹房子人負。可與分例酒。移文有司行之。都省欽依。送兵部。遍行合屬照會。三月二十一日。脫鐵木兒

判真等奏自鴨池地經過塔兒八合你。其道可以立站。奉旨準。都省欽依。移咨雲南四川行省欽依施行。四月九日。參知政事阿里。奉聖旨。朕聞拓跋之地。多有持都省劄子而乘驛者。對曰。豈惟拓跋。諸官府皆然。臣等凡以錢糧庶務遣使並乘鋪馬。或與一二常川劄子者有之。行省給劄子來往者亦多有之。上曰。自行省來者聽之。今後中書勿與鋪馬文字給降聖旨可也。十九日。又奉旨。凡公差人齎去牌面聖旨。回日不即於該處繳納者有罪。該吏見而不拘者笞決。都省欽依施行。二十三日。中書參知政事阿里。奏江南省臺按察司宣慰司路府官署。但凡遣使就給鋪馬劄子。又使臣不食猪肉魚鴈鵝鴨等。必須羊肉。江南羊價每口計鈔七十八十貫。實害站赤。奉旨可。即移文省諭。毋令出給鋪馬劄子。使臣到館。有猪肉則與之。無則與飯。其地必多魚。亦可與之。無則亦不必與。至如羊肉鵝鴨飛禽等。不得與之。此二事。速令截日罷去。二十七日。中書左丞耿仁。參知政事阿里等。奏先嘗奏旨。謂省臣不當妄給僧人使臣鋪馬劄子。於吐蕃來往數多。騷擾百姓。今驗於公文。皆從功德使司。傳奉聖旨給驛。每恃上命趣行。何敢不與。上曰。朕言尚有妄傳者。何況都省文字。卿言是也。今後不得朕言。慎勿與之。五月二日。中書左丞耿仁。參知政事阿里

等。奏貴赤中有乃蠻解者。今赴和林管課種田。請給驛馬四匹。奉聖旨可與之。九日中書參政阿里等。奏準各處行省。給降鋪馬聖旨五道。如本省有使在朝。就令齎去。無者遣使送致之。異時斟酌增給。揚州行省。鄂州行省。泉州行省。隆興行省。占城行省。安西行省。四川行省。西夏行省。甘州行省。每省五道內五匹。四匹。三匹。各一道。二匹。二道。二十二日。樞密副使李羅。中書右丞劄散。奏邇者石宣慰言南方驗田糧及七十石者。準當站馬一匹。富人多有隱匿糧數。取貧下者副之。就執馬役。請覆驗之。已嘗奉旨。若馬兀字溫公事畢時。與之議抄籍。今石宣慰請給鋪馬五匹以回。候馬兀字溫至日議行。奉旨令回去者。九月十二日。通政院言隨路站赤三五戶。共當正馬一匹。十三戶共車一輛。自備一切什物公用。迺年以來。多為諸王公主。及正官太子位下頭目。識認招收。或冒入投下戶計。未嘗考究版籍。一槩給撥出役。曠離站赤。復有省部行下或承令旨補換戶計。新者未得。舊役已除。三二年不能勘會補完。以此站赤損弊漸不可支。今後乞擬換補站戶。俟本院勘會事完已補。新戶入役。然後舊戶聽歸所屬相應。都省準擬。遍行為例。二十四日。四川行省言鴨池之地。經由塔八合你而來。嘗奉上命於道上立站。從本省出

馬。僉戶置納隣小站。近差成都府同知李庭筠。雅州知州趙文貴。相視其地。李庭筠冒中瘴毒而死。從塔八合你。至相公嶺一百六十里。三月為始。毒龍瘴氣生發。九月方息。犯之者致疾以死。竊恐立站之後。損傷使客。又兼兇差站戶。皆是遠來貧民。勢不可以久居。請議更革事。通政院具奏奉旨。有煙瘴處勿住。何礙立站。欽此。回咨四川省施行訖。是月兵部言隨路驛舍。冬無暖室。夏無涼所。飲食器皿床榻鋪陳之屬。俱不整齊。不惟虛費官帑。當館者得以怠肆。擬令各路州縣長官。不妨本職。專一提調。委按察司常切計點。若有似前怠慢者。責問任滿於解由。內開寫相沿交割。庶望稍成次序。仍令隨路出榜曉示使臣人負。不得因而騷擾。省準遍行為例。十月中書省體知蒙古人負。因公出外。民間不與飲食安宿。劄付兵部。通行合屬。今後遇有隨朝蒙古人負。因公在外經過去處。依例應付粥飯安宿房舍。其人却不得非理擾民。二十四日。中書右丞相火魯火孫等。奏前者西川。及甘州。中興。京北。泉州。五處行省。各降鋪馬聖旨五道。今來俱言數少。臣等定議。西川。京北。泉州。三處繁劇。各增給十道。甘州。中興。各增五道。聖裁上從之。十一月二十九日。中書右丞相火魯火孫。奏每年各路進獻果食藥品。今為不給鋪馬劄子。無從給驛。以故不來。上曰。彼

永樂大典卷之一萬九千四百十七  
以諸物來貢。即是鋪馬  
顯驗。省部欽依施行。

永樂大典卷之一萬九千四百十七



重錄總校官侍郎臣陳以勤

學士臣王大任

分校官修撰臣諸大綬

書寫儒士臣吳仁

圖點監生臣林汝松

臣董仲輅

國立中央圖書館



0407694



7

4.2

籍